

Terma dan Syarat untuk MyPal

MyPAL adalah talian kemudahan bernilai RM200 yang tersedia untuk Pemegang Akaun Money Box ("Pemegang Akaun"). MyPAL akan berkuat kuasa apabila ia berjaya dihubungkan secara elektronik ke Akaun Deposit Money Box Pemegang Akaun ("Akaun").

1. Ciri-ciri Produk

- 1.1 Pemegang Akaun boleh mengakses MyPAL beberapa kali dalam masa satu (1) hari sehingga mencapai had RM200 ("Had") melalui semua saluran pengeluaran biasa sebagaimana dinyatakan oleh Terma dan Syarat untuk Akaun.
- 1.2 Akaun akan disekat secara automatik pada akhir hari apabila MyPAL digunakan. Pemegang Akaun juga akan disekat daripada melakukan sebarang transaksi debit sehingga pembayaran balik telah dibuat. Pemberitahuan SMS akan dihantar ke nombor telefon bimbit Pemegang Akaun yang terakhir diketahui untuk mengingatkan mereka mengenai:
 1. Amaun terhutang di bawah MyPAL;
 2. Tarikh transaksi MyPAL; dan
 3. Tarikh perlu dibayar untuk pembayaran balik MyPAL.
 - 4.
- 1.3 Pemegang Akaun bersetuju untuk membayar balik MyPAL dalam masa tiga (3) hari dari tarikh transaksi.
- 1.4 Pembayaran balik amaun yang terhutang akan dinyatakan di dalam Akaun pada hari yang sama pembayaran balik dilakukan dan Akaun akan dibuka sekatannya pada keesokan hari. Jika pembayaran balik dilakukan pada hari yang sama dengan penggunaan MyPAL, Akaun tidak akan disekat.

2 Permohonan

Permohonan untuk MyPAL boleh diserahkan oleh Pemegang Akaun melalui borang permohonan-e yang disediakan atas talian oleh Bank melalui Hong Leong Connect atau sebarang saluran lain yang dianggap sesuai oleh Bank.

3. Kelayakan

Semua Pemegang Akaun Money Box yang merupakan warga Malaysia yang berumur di antara 21 hingga 55 tahun layak untuk mendapatkan MyPAL.

4. Penamatan MyPAL

Pemegang Akaun boleh memilih untuk menamatkan MyPAL melalui Hong Leong Connect pada bila-bila masa tertakluk bahawa Akaun berada pada baki kredit dan bebas daripada sebarang tandaan ke atas Akaun.

5. Terma & Syarat

- 5.1 Yuran kemudahan sebanyak RM15.00 akan dicaj untuk setiap penggunaan MyPAL.
- 5.2 Pemegang Akaun boleh menyemak transaksi MyPAL mereka melalui Penyata Akaun Money Box dan/atau Penyata Kad Debit Mach Hong Leong.
- 5.3 Jika Akaun tidak mempunyai dana yang mencukupi untuk melaksanakan sebarang Arahan Tetap daripada Akaun, Pemegang Akaun bersetuju bahawa sebahagian / keseluruhan MyPAL akan digunakan untuk melaksanakan Arahan Tetap tersebut.
- 5.4 Sebarang makluman dari Bank kepada Pemegang Akaun mungkin diberikan melalui mana-mana cara berikut:
 1. Melalui pos biasa atau pos berdaftar atau kurier atau serahan tangan dihantar ke atau ditinggalkan di alamat terakhir Pemegang Akaun yang diketahui sebagaimana didaftarkan dengan Bank dalam masa tiga (3) Hari Perniagaan dari pengeposan jika ia dihantar melalui pos biasa atau pos berdaftar, dan dalam masa dua (2) Hari Perniagaan jika ia dihantar melalui kurier atau selepas pengesahan penerimaan jika dihantar melalui serahan tangan; atau

2. Melalui notis umum di dalam salah satu akhbar utama atau dipaparkan di Mach atau premis cawangan Hong Leong Bank/Hong Leong Islamic Bank atau pada skrin visual melalui komputer atau terminal visual atau di laman sesawang "www.machbyhongleong.com.my" dan notis akan dianggap telah dihantar atau berkuatkuasa dari tarikh notis tersebut disediakan atau pada tarikh yang dinyatakan dalam notis tersebut.

6. Hak Untuk Mendedahkan Maklumat

Selain daripada pendedahan yang dibenarkan di bawah Jadual 11 Akta Perkhidmatan Kewangan 2013/Akta Perkhidmatan Kewangan Islam Malaysia 2013, Pemegang Akaun membenarkan secara mutlak Bank, pegawai dan pekerja mereka untuk mendedahkan dan memberi segala maklumat mengenai Terma dan Syarat ini, sekarang dan masa depan, akaun Pemegang Akaun dan apa-apa perkara yang berhubungan dengan Pemegang Akaun atau perniagaan dan operasinya kepada:

- a) institusi kewangan lain yang memberikan atau yang bercadang untuk memberikan apa-apa kemudahan kredit/pembiayaan kepada Pemegang Akaun, Biro Kredit Pusat atau mana-mana biro kredit pusat yang ditubuhkan oleh Bank Negara Malaysia, Cagamas Berhad, Biro Maklumat Cek, Credit Guarantee Corporation, mana-mana pihak berkuasa lain yang berkaitan yang diberikan kuasa oleh undang-undang untuk mendapatkan maklumat tersebut atau pihak berkuasa / agensi yang ditubuhkan oleh Bank Negara Malaysia atau mana-mana agensi yang ditubuhkan oleh persatuan bank-bank di Malaysia;
- b) mana-mana syarikat semasa atau yang akan datang yang boleh dikaitkan dengan atau berkaitan dengan Bank (seperti yang ditakrifkan dalam Akta Syarikat 1965), termasuk wakil dan pejabat cawangan dan wakil-wakil mereka masing-masing dan juga anak-anak syarikat induk Bank ini;
- c) Pihak-Pihak pemberi cagaran atau mana-mana pihak yang bercadang untuk menyediakan jaminan berkenaan dengan Kemudahan Pinjaman/Kemudahan Pembiayaan;
- d) juruaudit Bank, peguam dan / atau ejen lain yang berkaitan dengan tuntutan wang yang terhutang dan kena dibayar di bawah ini; dan
- e) penasihat profesional Bank, pembekal perkhidmatan, penerima namaan, ejen, kontraktor atau pembekal perkhidmatan pihak ketiga yang terlibat dalam penyediaan produk dan perkhidmatan kepada atau oleh Bank dan syarikat-syarikat berkaitan atau bersekutu dengannya.

Pelanggan dengan ini bersetuju secara mutlak dengan pendedahan tersebut dan mengesahkan bahawa Bank, pegawai dan pekerjanya tidaklah menanggung sebarang liabiliti untuk memberikan maklumat itu atau akibat daripada penggantungan maklumat yang diberikan mengikut Terma dan Syarat ini.

7. Dasar Privasi

Dasar Privasi bermakna dasar dan prinsip HLB/HLISB yang berkaitan dengan pengumpulan, penggunaan dan penyimpanan maklumat peribadi individu dan entiti sedia ada dan entiti yang bakal berurusan dengan HLB / HLISB sebagaimana yang dipinda dari semasa ke semasa.

8. Representasi dan Waranti pada Pemprosesan Maklumat Peribadi

Pelanggan dengan ini memberi representasi dan memberi waranti bahawa Pelanggan telah mendapat persetujuan semua orang yang dinamakan dalam permohonan pelanggan untuk Akaun atau apa-apa dokumen lain yang dihantar kepada HLB / HLISB bagi menyokong permohonan itu dan / atau wakil yang diberi kuasa mereka, termasuk tetapi tidak terhad kepada pengarah, pemegang saham, penandatangani yang diberi kuasa atau mana-mana orang lain yang ditetapkan oleh HLB / HLISB ("Subjek Data Relevan"), untuk koleksi HLB / HLISB,

pegangan dan penggunaan maklumat peribadi daripada subjek Data Relevan mengikut Dasar Privasi HLB / HLISB sebagaimana yang dipinda dari semasa ke semasa.

9. Persetujuan untuk Memproses Maklumat Peribadi

Pelanggan dengan ini bersetuju dan persetujuan dengan pemegangan, pengumpulan dan penggunaan semua data peribadi yang diberikan kepada HLB / HLISB oleh Pelanggan atau yang diperoleh oleh HLB/HLISB dari domain awam, serta data peribadi yang timbul akibat daripada penyediaan perkhidmatan kepada Pelanggan berkaitan dengan Akaun mengikut Dasar Privasi HLB/HLISB sebagaimana yang dipinda dari semasa ke semasa.

Dikemaskini pada 18 Disember 2013